



Broj: 001/24
Sarajevo, 15.01.2023

Dragi prijatelji,

Svima vama koji ste pratili i podržavali naš rad od osnivanja do danas, putem donacija ili pružanjem podrške na neki drugi način, Upravni odbor Fondacije Pravda za branioce R BiH koristi ovu priliku da vam se najtoplije zahvali, te prezentira pregled finansijskih pokazatelja prikupljenih i distribuiranih sredstava u skladu sa deklariranom misijom i programskim ciljevima rada Fondacije.

Fondacija je registrirana Rješenjem Ministarstva pravde F BiH od 18. novembra 2020. godine, a zvanični početak rada Fondacije uslijedio je po otvaranju bankovnog računa 25. januara 2021. godine.

U periodu od 25. januara 2021. do 15. decembra 2023. godine prikupljeno je novčanih sredstava u iznosu od **252.090,70 KM**.

Od navedenog iznosa novčanih sredstava u izvještajnom periodu utrošeno je **246.927,69 KM**, odnosno **97,95% raspoloživih sredstava**.

Struktura utroška sredstava je sljedeća:

- Donacije optuženim borcima Armije Republike BiH za ratne aktivnosti (**njih 41 pripadnik**) u ukupnom iznosu od **238.500,00 KM**, odnosno **94,61% utrošenih sredstava**,
- Štampanje publikacije *Postupanje učesnika u predmetima protiv optuženih za ratne aktivnosti* i troškovi oglašavanja u iznosu od **3.005,16 KM**, odnosno **1,19% utrošenih sredstava**, te
- Bankarski i administrativni troškovi u iznosu od **5.422,53 KM**, odnosno **2,15 % utrošenih sredstava**.

Preostala sredstva u iznosu od **5.163,01 KM**, odnosno **2,05% raspoloživih sredstava** nalaze se na bankovnom računu Fondacije.

Ovom prilikom također želimo da prezentiramo i strukturu dodijeljenih sredstava braniocima R BiH.

Sredstva su dodjeljivana na osnovu pojedinačnih zahtjeva optuženih, te odluka Upravnog odbora donešenih u skladu sa Pravilnikom o dodjeli sredstava Fondacije, u prosjeku od 5.817,00 KM. Svi iznosi su direktno uplaćivani na račune podnosiocima zahtjeva za pomoć.

Po osnovu mjesta vođenja sudskih procesa, sredstva su dodijeljena za procese koji se vode pred sudovima u BiH (39), te sudovima u inostranstvu, u Beogradu (2).

Teritorijalno, prema mjestu boravka podnosilaca zahtjeva, sredstva su dodijeljena u Federaciji BiH 40-orici, te Brčko Distriktu 1 (jednom) korisniku.

Regionalno, prema mjestima podizanja optužnice, distribucija sredstava bila je sljedeća: Sarajevski kanton 22, Goraždanski kanton 2, Hercegovačko-neretvanski kanton 1, Unsko-sanski kanton 15, i Brčko Distrikt 1.

Prema pripadnosti jedinicama Armije R BiH sredstva su dodjeljivana: Prvi korpus 18, Drugi korpus 2, Četvrti korpus 3, Peti korpus 17, i Sedmi korpus 1.



FONDACIJA PRAVDA
ZA BRANIOCE REPUBLIKE BOSNE I HERCEGOVINE

Važno je napomenuti da se Fondaciji sa zahtjevom za pomoć (za sada), obratilo još 10 branilaca R BiH, koji ispunjavaju sve kriterije za dodjelu sredstava, ali ih nismo u mogućnosti realizirati zbog nedostatka novčanih sredstava.

Ima još optuženih branilaca R BiH, ali se nisu obraćali za pomoć. Postoji tendencija daljnjeg pokretanja tužbi protiv branilaca R BiH.

Na kraju želimo naglasti da vam Fondacija stoji na raspolaganju za dostavu dodatnih informacija o svakoj pojedinačno dodijeljenoj pomoći braniocu R BiH, koje ovdje nismo iznosili zbog zaštite ličnih podataka u skladu sa zakonskim ograničenjima na nivou BiH.

Još jednom koristimo ovu priliku da se svima vama zahvalimo na saradnji i podršci u proteklom periodu bez koje, sve navedene aktivnosti ne bi bile realizirane, i izrazimo nadu da ćemo zajedno nastaviti pružati podršku časnim braniocima Republike BiH u narednom periodu.

Molimo vas da svoje prijatelje – donatore, kao i buduće donatore, upoznate sa ovom informacijom i uputite na našu zvaničnu stranicu www.fondacijapravda.org

Srdačan pozdrav,

Predsjednik UO Fondacije

Prof. dr Enes Durmišević